



Mittnacht

So aber der zeiger der dē Magnet regiert / von mitternacht stracks in mittag fellt / so bedeut das zeichen zwelffe / so nach sein schwanz da ist / vnd wie ein gabelin gstatet / die mittnacht : die aber vor seiner spizen ist / den mittag : das zeichen aber sechs / welches obstet / zeigt an den morgenn : das vnder aber / den abend. Weiter nach den zweyen fürnähmē teil der welt / so dazwischen / seindt allwegē fünff andere teill nicht so fürnähme / deren zwey vorderste / werdē dem forderste teil d welt / die zwey letste / dē letste teil zügerechnet. Die fünffte zal aber so darzwischen ist / vnd die mittelste vnd disen vnd anderē wirt auch geteilt vnd sein halber teil wirt dem einen fürnähmen teil zügelegt / der ander halb teil den anderen / als nemlich zwischen den 12 das ein zeichen ist d mitternacht / vnd 6 des morgens / seindt 1. 2. 3. 4. 5. auß welchem 1 vnd 2 teil seindt der mitternacht welche gegen morgen sähindt 4. vnd 5. seindt teil des die da in mitternacht streichen / 3. aber der halb teil wirt der mittnacht zügeben / das ander halb aber dem morgen. Derhalben welcher nun wissen will / wie fehr die gäng streichen / der selbig leg auff denn gang / der vnder der erdenn verborgenn ligt / den bergtcompaß jezmalen beschriben / welcher als bald der zeiger still sthet ihm anzeigt / wie weit der gang streiche: als so ein gang von 6 in die 6 felle / oder von morgen inn abend / oder herwiderumb vom abend in den morgen. Aber eb diß / oder das ander seye: zeigt vns an das abssetzen des gesteins. So er aber auß der linien die da ist zwischen 5 vnd 6 in die linien jm zü entgegen streicht / so ghet er vom mittel 5 vnd 6 des morgens / oder vom mittel 5 vnd 6 des abends / dem andern gang zü entegegē. Aber eb diß oder das ander seye / zeigt vns auch an das abssetzen des gesteins: zü gleicher weis reden wir auch von anderen teilen d welt vñ was zwischē dē selbigē ist. Wie vil aber die bergtleut teil d welt machend / so vil windt zellendt hent bey tag nicht allein vnser Schifflent / sond auch die Römer / welche vorzeitē den selbigen zum teil Lateinische / zum teil Griechische namen gebē habend. Welche bergtman nun gefellet / der selbig mag das streichen d gängē mitt dem namen d windē nennē. Dañ es seindt vier hauptwindt / wie dañ auch vier hauptteil der welt. Als nemlich der windt so von Ost wehet / vnd der